



Il team d'organisaziun dil Cuors romontsch sursilvan.

FOTO P. CADALBERT

## Cuors da romontsch intensiv la stad

■ (cp) Il Cuors romontsch sursilvan dalla Fundaziun Retoromana (FRR) porchas per 11 levels per carschi era in cuors per affons da sis tochen diesch onns. Il cuors intensiv sespleiga dils 16 entochen ils 29 da fenadur a Glion. La Casa da sentupada ed il complex da scolaziun dalla Formaziun Surselva porchan igl ambient ideal per il cuors.

### Lungatg, cultura, divertiment

Il team sut la bitgetta da *Francesca Friberg* organischa danovamein in cuors romontsch intensiv sco pachet cumplein. Sin endisch differents levels instrueschan scolastas e scolasts da lungatg ed il cuors da romontsch per affons da sis tochen

diesch onns porchas a moda ludica in avschinaziun al lungatg. Affons e giuvenils dad 11 onns ensi che vulan emprender romontsch ni seperfectuinar el lungatg san separticipar als levels 1–10. Giuvenils che vulan seperfectuinar el romontsch per sepreparar per examens da recepziun per scolas medias e gimnasis san separticipar als levels 8, 9 ni 10.

Era uonn vegn purschii in cuors da perfectuonament per scolastas e scolasts romontschs che sa vegnir reconuschiu sco cuors da formaziun. Quella purschida dil nivel 10 consista da tschun moduls instrui da linguists ed eligibels tenor interess individual, quei che munta ch'igl ei pia era pusseivel d'eleger mo singuls moduls. Ad

interessents dein nus bugen informaziuns detagliadas (081 920 80 71).

Part dall'instrucziun fa era il cant comunabel da mintga di. La sera vegn purschii in program accumpignont cultural variont publicaus sin la pagina [www.cuorsromontsch.ch](http://www.cuorsromontsch.ch), aviarts per in e scadin.

### Annunzias ed informaziun

Informaziuns pli detagliadas ein d'anflar sin [www.cuorsromontsch.ch](http://www.cuorsromontsch.ch). Per ulteriur sclariment stat nies secretariat bugen a disposiziun (081 920 80 71, [cuorsromontsch@frr.ch](mailto:cuorsromontsch@frr.ch)). Annunzias prendein nus encunter via nossa pagina d'internet ni era per telefon ni mail.